

靈寶領教濟度金書卷之二百九十四

戎四

靈寶領教濟度金書卷之二百九十四 戎四

洞微高士開光救苦真人竊金真授

靈寶通玄弘教水南先生林靈真編

表榜規制品開度通用

請水火表

具位臣某

上言今月某日為齋法弟子某崇建某齋

幾晝夜開度亡過某靈魂上生仙界以今

請降水火鍊度者

臣伏以乾坤定位敷祖炁以昭回離坎分

精極靈功而化育五文開廓萬品裁成欲
施九鍊之神輝曹藉

二儀之聖運臣誠惶誠恐稽首頓首切慮亡

過某靈寃劫塵結習業垢交周返九炁之
生根期還本始積五形之死蒂莫契虛無

非陶冶以高躋曷超凌而直上方諸耀彩
挹東井之黃華陽燧凝芒瀉南丹之朱火
匪繇鑒映孰佐宣揚恭惟

太上无形无名虚无自然至真大道无上元

尊金闕玉陛下

道並陰陽德包覆載願頒勅命降五龍結
璘之英載役神真布九鳳鬱儀之化俾迴
骸而起死庶監真以度生九遍成人炁炁
返生神之妙十迴度品神神昭委炁之玄
離夜朝元乘晨御景臣无任激切望

思之至謹奉表陳啓以

聞臣誠惶誠恐稽首頓首謹言

年

月

日具位臣姓

某上表

藏棺表

具位

臣某

上言今月某日為修齋弟子某崇建某齋
幾晝夜竊見亡過某靈寃尸柩尚停在家
慮有穢觸合請

真慈蕩滌謹奉表奏聞者

臣伏以舒化日以照幽關欽闡三華之教

戎四

陶靈風而踐尸室懼違四極之科敢籲

高明恪殫卑賤伏念臣玄樞快覩世網猶

迷塵染穢盈夙願澄清而參讚情浮意動

莫能寂默以宣揚況交會於鬼尸易昭回

於靈眴彌增地累難沛

天恩恭惟

三天大法師真君

聖前

總括太尤恢張妙有待

宸金闕宣仁九壘之中佐

聖瓊都讚化一元之表願矜愚懇即副齋

忱降九鳳靈官仗丙丁而鍊滌布萬重道

炁覆戊己以潛藏俾脫神鄉徑朝

帝所斷除故炁玄壇嚴蓮座之輝赫奕靈

光碧漢耀騫林之景丹忱諄切

玄監昭彰臣下情无任激切之至謹言

年 月

日具位臣姓

某上表

大道表

具位臣某

上言今月某日奉為修齋弟子某崇建某

齋幾晝夜開度亡過某靈寃以今具表奏

戎曰

三

聞者

臣伏以扣九關而昭事雲藹

清微崇八陛以對揚風清黑鬱徵三極无
私之惠溥十華有造之恩雨露涵濡日星

朗煥敢皈依於

楓御庸傾倒於葵衷恪冀

高明洞垂昭鑒臣誠惶誠恐稽首頓首竊

念亡過其靈寃冤機織性罪網縈心三惑
不除墮迷途而顛倒四維莫守趨邪徑以
迴旋罪花累紀於北艷愆葉積書於東岱

茫茫夜壑慘水火以驚心寂寂寒庭望陰
陽而喪膽爰崇懺謝聿建齋修自非
上聖之海涵曷俾下愚之春育恭惟

太上无形无名虛无自然至真大道无上元

尊金闕玉陛下

巍巍莫極蕩蕩難名凝妙有以垂精化敷
九地孕虛无而毓粹政溥三天誕矜苦惱
之衷廣錫慈悲之惠伏願

靈光不夜祖炁開春勅勒玄曹削簡書之
寃對嘯命丹局銷錄籍之愆元即俾亡過

某靈寃離夜惟欣乘晨快樂超凌三界无
拘留逼合之憂勅制九扃有侍衛送迎之
喜某敢不仰依化日期暢玄風登碧玉以
敷心勉承鳳渥覲紫金而拜手永沐

龍恩臣下情无任激切之至謹奉表陳啓

以

聞臣誠惶誠恐稽首頓首謹言

年

月

日具位臣姓

其上表

通天拔七朱表

具位

臣某誠惶誠恐稽首頓首

戎四

上言

臣蓬茅賤質蒲柳衰姿誤玷聯班濫

司濟度誓罄由中之懇切庸微濟下之光

明凡有皈投敢忘關告

臣先據入意

臣伏以弘道憲章丹忱不泯承符宣德素

志尤堅願提拯於陰關俾超凌於陽界敬

爲修齋行道懺罪祈恩請命三元皈神十
極頒符馳信破獄追寬北鬱昇神南宮度
命期脫重泉之苦頓超積夜之悲依格關
盟誓勤修奉開寬釋罪全賴生成謹爲拜
表一通上聞

三天伏望

玄造矜憐洪恩覆冒念逝鬼沈淪之苦察
齋上激切之忱特降勅命宣告十方三界
合屬真司即俾亡過某靈寬原陽愆陰過
之簡書赦微寬顯仇之考對普頒

帝勅即證仙邦登步武於玄虛鍊形神於

朱火臣謹為上請玉清破獄符吏地府齋

簡童子驛龍發放符吏神虎追攝仙吏靈

寶浣濯仙吏天醫解結仙吏返形聚炁仙

吏混元化生神吏南昌流火神吏東井黃

華神吏一合來下特為亡過某頒行符命

破蕩重泉部領冤靈來朝壇陞澄清地垢

服御天衣解釋冤仇混合神氣鍊質水火

永度朱陵部衛超昇逍遙寥廓隨劫輪轉

與天齊年永無輪轉之憂常享太平之運

臣敢不仰依

聖造俯鑿愚衷領教學真煥瑤圖於十極
運元會道舒瓊簡於三華流化日以昭明
鼓玄風而披拂恩惟

大道分別求哀

臣

愚謹因二官直使正一

功曹左右官使者陰陽神決吏科車赤符
吏剛風驛置吏驛馬上表吏飛龍騎吏等
官各二人出操臣為齋主某拜上通天開
度朱表一通上詣

三天曹伏願

天恩告報臣誠惶誠恐稽首頓首再拜以
聞

年 月

日具位臣姓 某上表

血湖表

具位臣某

上言今月某日為齋主某崇建某齋幾晝
夜開度亡過某靈寃上生仙界切見本人
因產殞生形神腥穢匪憑

聖造曲為蕩除曷俾氣象周圓營衛平復
謹具表奏聞者

臣伏以生生大德夙欽惠下之仁翼翼小心爰露由中之懇黑鬱期超於地禁玄虛嘉被於天光載拜陳情一忱請命臣誠惶誠恐稽首頓首伏念臣偶緣宿慶獲際昌期弘道憲天幾對揚於龍御承符宣德誓

戎四

六

流演於鴻禧重念亡過某靈寃托質女流謀身世諦中迷愛網易凋玉樹之芳外涉塵機遂滓金花之粹九夜沉淪於苦海一朝陷溺於血湖獄吏權尊轉眼陰陽之考冥官威重驚心水火之羈自非大霈於

宸恩曷克迥躋於陽化恭惟

太上无形无名虚无自然至真大道无上元
尊金闕玉陛下

道包覆載德契幽明仁風鼓舞於八遐群
靈樂意化雨涵濡於九壘億爽歡顏冀矜
激切之衷嘉沐駢蕃之澤伏願

肆頒鶴赦曲降鸞書飛三炷以流光乘晨

有望燭十華而破暗離夜不幽即俾亡過
其靈寃垢穢澄清身心快樂朱陵度命解
萬罪以清夷黑鬱刊名散千冤而和合精

神玉潔步武春融臣无任激切懇祈之至
謹奉表陳啓以

聞臣誠惶誠恐稽首頓首謹言

年

月

日具位臣姓某上表

開度黃籙齋合用

九鍊表

第一鍊

具位

臣某

上言今月某日爲修齋弟子某崇建

无上九幽玉匱明真普度无間黃籙大齋

幾晝夜開度亡過其靈寃以今奉行靈寶
第一鍊拔出地戶永離鬼官者

臣伏以青極闡慈悲之號應化分身黑單
後拔領之恩尋聲赴感欲伸鍊度敢後皈
依臣誠惶誠恐稽首頓首切慮亡過其靈

寃宿垢縈迷業塵結習形歸厚土孰冰釋
於寃愆神閉幽關諒風行於考對非憑拯
援曷遂昇遷恭惟

太乙救苦天尊御前

長樂端凝妙嚴高拱威神遍滿開慶雲於

生門慧力昭宣塞祥煙於死戶願回
慈造監真度生

勅命救苦真人救苦童子青玄黃籙官吏
靈仙承百寶之光明頒九龍之符命洞明
長夜獄摧毀而城開宣照耀重泉火溫和

而冰暖燠即使亡過其靈萬緣蕩寂一
性明靈起鬱絕之惡輪依光蓮座膺清虛
之善果棲景騫林普攝有情同歸无上
無任激切之至謹奉表陳啓以

聞臣誠惶誠恐稽首頓首謹言

年 月

日 具位 臣 姓

某上表

第二鍊

具位 臣 某

上言今月某日為修齋弟子某崇建

无上九幽玉匱明真普度无間黃籙大齋

戎四

幾晝夜開度亡過某靈寃以今奉行靈寶

第二鍊疾除罪簿落滅惡根者

臣 伏以超沈寃於眇莽仁滿十華拯飛爽

於幽寥恩昭九壘欲伸鍊度敢後皈依 臣

誠惶誠恐稽首頓首 臣 切慮亡過某靈寃

性染客塵心迷世網陽罪陰過未除黑簿
之名舊債新寬猶紀玄曹之錄非憑銷釋
曷遂昇遷恭惟

九幽拔罪天尊

御前

紫極端凝璇霄高拱溟濛法雨普蘇六洞
之沉迷焯焯慈雲頓爍三塗之障累願回
慈造監真度生

勅命北都羅酆內外宮洞天牢地獄無間
鐵圍泉曲河源三官九署陰陽罪錄百二
十曹司殺司功司命司錄五嶽四瀆社令

城隍効職靈司无鞅官吏齋持簿籍來詣
闕庭俯運威光悉為焚毀即使亡過某靈
寃積瑕清淨永无曹局之拘留夙垢蕩除
式見冤親之平等長辭有漏克證无為臣
无任激切懇祈之至謹奉表陳啓以

聞臣誠惶誠恐稽首頓首謹言

戎四

九

年 月

日具位臣姓 某上表

第三鍊

具位臣某

上言今月某日奉為修齋弟子某崇建

无上九幽玉匱明真普度无間黃籙大齋
幾晝夜開度亡過某靈寃以今奉行靈寶
第三鍊永度三途五苦八難者

臣伏以妙炁周遊於象外扶植生根靈光
鬱勃於身中斷除死帶欲伸鍊度敢後飯

依臣誠惶誠恐稽首頓首切慮亡過某靈
寃形混紅埃神歸黃壤三業六根之繫浩
劫猶纏三尸五累之愆積生未度非憑斬
絕曷遂昇遷恭惟

轉輪聖王天尊御前

璿極端凝紫宸高拱隨功計日權衡研鑿
於毫釐受化更生善惡洞觀於圭黍願回
慈造監真度生

勅命三界十方主罪考吏豐都六洞執罰
神司靈寶落滅惡道靈官飛度累戶靈官
俯降壇場疾承符命特為亡過某靈寃斷
消業障洗滌根瑕絕滅尸仇解除累苦名
不書於黑簿超凌幽暗之鄉寃即上於朱
宮自在光明之界齊仙萬炁證妙三元臣
无任激切懇祈之至謹奉表陳啓以

聞臣誠惶誠恐稽首頓首謹言

年 月 日具位臣姓 某上表

第四鍊

具位臣某

上言今月某日為修齋弟子某崇建

我四

+

无上九幽玉匱明真普度无間黃籙大齋

幾晝夜開度亡過某靈鬼以今奉行靈寶

第四鍊度上南宮得為神仙者

臣伏以企渺渺大羅之境无階可昇矜茫

茫苦海之津維梁允濟欲伸鍊度敢後飯

依臣誠惶誠恐稽首頓首切慮亡過某靈
寬超跡陰都擢神陽域度朱陵而鍊質行
耀三華騰紫極以登真將朝九陛非憑接
引曷遂昇遷恭惟

法橋大度天尊

御前

金闕端凝玄都高拱祥煙羅絡夙推拯援
之深仁梵炁經行共仰提携之大德願回
慈造監真度生

勅命法橋大度司仙吏靈官玉女守橋監
橋引寬超度諸神將吏密承道力神化飛

梁亘徹虛无洞煥寥廓庶使亡過其靈巫竟
遊神碧落高步青霄駕景登晨開玄元之
寶耀凝真入妙乘功德之金光契合希夷
逍遙塵劫臣无任激切懇祈之至謹奉表
陳啓以

聞臣誠惶誠恐稽首頓首謹言

年 月

日具位臣姓 某上表

第五鍊

具位臣某

上言今月某日為修齋弟子某崇建

无上九幽玉匱明真普度无間黃籙大齋
幾晝夜開度亡過某靈寃以今奉行靈寶
第五鍊死寃受鍊仙化成人者

臣伏以煥丹天而耀景陽淡寒庭超玄境以
昇真春回夜壑欲伸鍊度敢後皈依臣誠

惶誠恐稽首頓首切慮亡過某靈寃業結
多生寃沈長夜劫塵滓中和之粹五體飄
零宿瑕迷本始之真百骸枯朽非憑陶冶
曷遂昇遷恭惟

火鍊丹界天尊御前

朱府端凝南宮高拱玉眸鍊質燦金碧以
流輝黃華蕩形涵澄瀾而散彩願回

慈造監真度生

勅命南昌朱陵水池火沼青玄黃籙鍊度
靈司玉女仙童靈官將吏引領亡過某靈

菟先入東井之源餐水毋精嚼空青藥次
入流火之庭耀丹華體圓紫金身塵翳洞
明清淨契先天之妙神姿炫耀粧嚴成上
景之真宴樂虛无逍遙自在臣无任激切
懇祈之至謹奉表陳啓以

聞臣誠惶誠恐稽首頓首謹言

年 月 日具位臣姓 某上表

第六鍊

具位臣某

上言今月某日為修齋弟子某崇建

戒四

十二

无上九幽玉匱明真普度无間黃籙大齋

幾晝夜開度亡過某靈寃以今奉行靈寶

第六鍊制魔保舉度品南宮者

臣伏以契虛玄之妙景神變无方矜寥廓

之沈靈生成有賴欲伸鍊度敢後皈依臣

誠惶誠恐稽首頓首切慮亡過某靈寃久
墮陰鄉幸躋陽境靈源尚汨孰令萬炁之
齊仙覺地猶迷難使百神之混景非假攝
聚曷遂昇遷恭惟

金闕化身天尊

御前

朱極端凝玉京高拱隨方設教散塵塵刹
土之中宴景凝真御眇眇大羅之上願回
慈造監真度生宣告玉清大洞內景神化
十八真神降靈亡過某寃內外藏府經絡
之中結成形體速使備完身得受生超凌

无礙

勅命三天門下大勲魔王關勒仙吏條具
亡過其靈蒐善惡品目功過之籍經靈魔
而檢校赴非魔而推研由比魔而稱停詣
制魔而保舉蠲除惡業紀錄善功徑關南

戊四

十三

昌上宮玄生左府書名紫冊受化丹臺
按朱明永脫離地中之地神超碧落獲道
遙天上之天返景凝真轉神入妙臣无任
激切懇祈之至謹奉表陳啓以
聞臣誠惶誠恐稽首頓首謹言

年 月

日具位臣姓

某上表

第七鍊

具位臣某

上言今月某日爲修齋弟子某崇建

无上九幽玉匱明真普度無間黃籙太玄

幾晝夜開度亡過某靈寃以今奉行靈寶
第七鍊生身受度劫劫長存者

臣伏以九霄御有形之化鬱勃生神三華

疑無極之真返還結炁欲伸鍊度敢後皈

依臣誠惶誠恐稽首頓首切慮亡過某靈

菟獲脫死輪頓回生路百關整具未全本
始之英華萬竅彰施難復根源之精粹非
假纏絡曷遂昇遷恭惟

朱陵度命天尊

北闕端凝南宮高拱御三炁司權之化召

制十方推一視同仁之心拯提九夜願回

慈造監真度生

勅命无上自然九天生神仙吏上詣九天

帝闕請降帝真命元蒼赤青綠黃白紫碧黑

之炁下纏亡過其菟胞胎菟臆藏府竅景

神之中即使萬炁充周圓真身而回陽健
千神備衛明本相而剝陰柔紫戶生仙黃
房斷死徑上寥陽之境即登劫仞之臺飛
步九清長辭五濁臣无任激切懇祈之至
謹奉表陳啓以

戎四

十四

聞臣誠惶誠恐稽首頓首謹言

年 月

日具位臣姓 某上表

第八鍊

具位臣某

上言今月某日爲修齋弟子某崇建

无上九幽玉匱明真普度无間黃籙大齋
幾晝夜開度亡過某靈寃以今奉行靈寶
第八鍊中理五炁混合百神者

臣伏以玉相應三靈之運慧日舒明金光
開九夜之幽慈風披拂欲伸鍊度敢後皈
依臣誠惶誠恐稽首頓首切慮亡過某寃
已脫冥途獲遊仙路陰氛閉鬱未還精神
寃寃意之初真陽鬱飛零莫復肝肺心腎
脾之本質匪繇灌溉曷遂昇遷恭惟

逍遙快樂天尊

御前

紫極端疑玉霄高拱希夷自得惟棲神世
表以遐觀應感無方猶曲意寰中而俯眄
願回

慈造監真度生

勅命五帝真人五斗靈官五靈童子五炁

戒四

十五

玉女上詣五老玉闕請降五芽真炁灌注
亡過某竟五藏百關之中即使五炁朝元
燦金花而鬱勃萬神聚景舒玉液以周流
嚙味冲和逍遙空寂臣无任激切懇祈之
至謹奉表陳啓以

聞_臣誠惶誠恐稽首頓首謹言

年

月

日具位_臣姓

某上表

第九鍊

具位

_臣某

上言今月某日為修齋弟子某崇建

无上九幽玉匱明真普度无間黃籙大齋
幾晝夜開度亡過某靈寃以今奉行靈寶
第九鍊超凌三界逍遙上清者

_臣伏以雨寶華於空界善果羅敷提玄爽

於寰區生根暢茂欲伸鍊度敢後皈依

_臣

誠惶誠恐稽首頓首切慮亡過其靈寃名
紀南宮神辭北府三化九鍊幸圓欣慶受
度之心萬合千和獲證自然成真之妙將
騰霄漢終藉陶鎔恭惟

寶華圓滿天尊

御前

宸極端凝紫都高拱玄座空浮於黎土面
禮金容黍珠神化於天中親承玉旨願回
慈造監真度生

勅命飛天神王長生大聖玄都驛吏三界
大魔契靈寶之內音依元始之密囑右別

侍衛遊行玉虛即使亡過某蒐綵仗飛空
寶輿御景汎太霞而嘯詠高拱彌高乘梵
炁以周迴上極无上真蒐陞度齋福告成
臣无任激切懇祈之至謹奉表陳啓以
聞臣誠惶誠恐稽首頓首謹言

戎四

十六

年

月

日具位臣姓

某上表

言功朱表

具位臣

某誠惶誠恐稽首頓首

上言臣

伏以三景開明耀玄黃而散彩五靈

鬱秀融經緯以宣光金符敷湛露之輝玉簡

燦慶雲之瑞幽明舞手遐邇歡顏盍殫謝過
之恭爰露言功之悃臣誠惶誠恐稽首頓首

臣昨自某月某日為始為修齋弟子某就某

處崇建某齋幾晝夜開度亡過某靈寃上登

仙界

祈禳云祈恩謝過請福消災

仰依

聖力幸遂齋忱將散徹於瑤壇庸宣陳於

玉陛伏念

臣

材資短陋智識荒踈况齋戒之

未純致威儀之易瀆鵠班宣德策役安召於

靈曹鳳宸承符闡奏濫稱於主職玉篆飛頒

而點畫舛誤金科宣演而首尾參差請命操

章或言詞之顛倒行神布炁慮存念之周章
凡所運為莫非過咎莫羅敷於鶴救俾涵育
於

龍恩遺留小臣永揚

大教其有建齋之日上請三洞天仙兵馬地

戒四

十七

仙兵馬真人兵馬神人兵馬日月星宿兵馬

三河四海兵馬九宮五帝兵馬三十二天監

齋直事侍香玉童散花玉女三五功曹左右

官使者五帝直符直日香官飛龍騎吏玉清

靈虛宮靈寶天仙內院諸天承受玉女王天

上奏靈官運神會道功曹三界所向仙曹施
用仙曹赫奕仙曹執職主宰玉清真王府九
天司命府青玄黃籙左右真司仙靈官吏靈
寶如意萬司九天普度院仙官將吏正一章
奏司九靈飛步章奏司仙官將吏天樞發放
司玉清總召院玄都金龍交龍驛吏承受符
檄宣通召命仙官將吏靈寶九鍊真司南昌
鍊度司北魁玄範府內臺內省鍊度追攝一
行官吏玄壇開度混元司解結司監生司天
醫司澣濯司巾笥司攝化司諸部承宣官吏

本靖侍靖仙官玉童玉女主將某副將某護
道某監壇某主壇某諸省府院司効職宣勞
官君將吏監臨翊衛某廟某王本州城隍主
者本縣城隍司某鄉某里里域真官土地正
神三界符使四直功曹齋主家土地司命六

神在壇守職備著勤勞並各顯服嚴裝隨臣
所進表文上詣

玄都乞依太真玉格校功遷賞不負効信臣
敢不精勤五體澄潔一心普施濟度之功期
報生成之德學真領教願定錄於青華飛元

聚靈庶書勛於丹策恩惟

大道省覽虔誠臣愚謹因二官直使正一功

曹左右官使者陰陽神決吏科卓赤符吏剛

風騎置吏驛馬上表吏飛龍騎吏進表鳳凰

騎上表雲龍騎言表風發騎御表神龍騎奏

戎四

十八

表飛龍飛虎騎各二人出操臣為齋主某拜

上析恩謝過為將吏言功表文一通上詣

三天曹伏願

天恩告報臣誠惶誠恐稽首頓首載拜以

聞謹言

年 月 日 具位 臣 姓 某 上 表

右言功朱表用黃紙朱書並同章式其異者章一行十七字表一行二十四字而已內黃外青木方函三重以袱裏之用凡用几衣並同安排此開度黃籙所用也若祈禳則請官將不同宜自赫奕仙曹以下至司命六神以上隨宜改易在壇効職者則列之其不當用則削去首尾並同此詞

